

西藏紀


一冊

書鈔函藏本

地630
73094

一三三四七

六



長樂郡
振錄西
諸卷

碑文




聖祖仁皇帝御製平定西藏碑文

昔者

太祖文皇帝之崇德七年班禪額爾德尼達賴喇嘛
固始罕謂東土有聖人出特遣使自人跡不到之區
經仇敵之國越數年始達盛京至今八十載同行善
事俱為施主頗極安寧後達賴喇嘛之歿弟巴隱匿
不奏者十有六年任意妄行拉藏滅之復興黃教因

而允從拉藏庫庫腦兒羣衆公同之請中間策旺何
拉布坦妄生事端動準噶爾之衆肆行奸詐滅壞達
喇嘛並廢第五輩達賴喇嘛之塔辱巖班禪廢壞寺
廟殺戮喇嘛名為興法而實滅之且欲竊據圖伯特
國朕以其所為非法爰命皇子為大將軍王又遣朕
子孫等調度滿洲蒙古綠旗兵各數萬歷烟瘴之地
士馬安然而至賊衆三次乘夜盜營我兵奮勇擊殺
賊皆喪胆遠遁一矢不發早定西藏復興法教賜令



必爾罕冊印即封為六輩達賴喇嘛安置禪榻撫綏
圖伯特僧俗人衆各復生業於是文武臣工咸謂王
師西討歷烟瘴險遠之區曾謂未半載輒建殊勲實
從古所未有而諸蒙古部落及圖伯特僧俗人衆各
復生業於是文武臣工咸謂王師西討歷烟瘴險遠
之區曾未半載輒建殊勲實從古所未有而諸蒙古
部落及圖伯特酋長亦合詞奏曰皇帝勇略神武超
越往代天兵所臨邪魔掃蕩復興蒙古所向遵奉法
教坎康藏衛等部人衆咸得拔離湯火樂土安居如
此盛德大業非臣下頌揚所能宣罄請賜御製碑文
鐫召地以垂久遠朕以何功焉而羣衆動請不已爰
紀斯文立石西藏俾中外知達賴喇嘛等三朝恭順
之誠諸部落累世崇奉法教無忽朕之此舉所以除
逆撫順綏衆興教云爾康熙六十年

唐碑附

大唐文武孝德皇帝大蕃聖神贊普甥舅二主商議
社稷如一結立大和盟約永無淪替神人俱以證知
世世代代使其稱贊是以盟大節留傳知於後也文
武孝德皇帝與聖神贊普德之黎贊陛下二聖睿哲
鴻被曉之今永化亨祚愍之情恩覆其無內外商議
叶同務令萬姓安泰所思如一成久遠大治之績今
觀同心以伸隣好之義共成康厥美今蕃漢二國所
守見官封疆洮岷之東大唐國界其塞之西盡是大
蕃地土彼此不為殺敵不舉兵革不相侵謀封疆或
有阻積捉生問事設給以衣糧放歸令社稷山川無
擾各敬人神然甥舅相好之義苦難每須通傳彼此
相倚二國常相往來兩路所差唐差蕃使並于將軍
谷交馬其洮岷之東大唐供應清水縣之西大蕃供
應須令甥舅親近之體使兩界烟塵不聞同揚盛德
之名頻無驚恐之慮行人撤備鄉土俱安礼無相擾

之犯垂恩萬代則稱羨之聲徧於日月所照矣蕃於
蕃國受安漢亦於漢國受樂茲合其大業耳各依此
盟誓永不移易當三寶及諸貢日月星辰之下且陳
形俱為盟設此大誓約如有不依此誓蕃漢背約破
盟者來其禍殃也倘傾以及動陰謀者不在破盟之
限蕃漢君臣並稽首告立周細為文二君之德萬載
稱揚內外蒙庥人民咸頌矣

此碑日久剝蝕字多脫落不存

西藏記上卷



封爵

西藏地處遠檄自漢唐以來難以備考迨至康熙五十九年定藏後始封康濟鼐為貝勒阿爾布巴為貝子隆布爾為公頗羅鼐札爾鼐為噶隆雍正五年阿爾布巴等謀殺康濟鼐亂藏雍正六年天兵誅叛定藏七年頗羅鼐封貝子總管西藏八年封其長子朱爾嗎特策登併其婿那木札爾色不騰即康濟鼐之子

為台吉雍正九年封頗羅鼐為多羅貝勒朱爾嗎特策登為輔國公十年封那木札爾色不騰為輔國公封策零汪蓋爾 通巴 鐘子三人為頭等噶隆十二年封其次子朱米納禾查爾並其弟諾彥和碩氣以及達爾札章陸占巴巴雜鼐大衍台吉等六人為札薩克頭等台吉十三年諾彥和碩氣卒頗羅鼐奏請將伊弟色陳哈什哈襲職為札薩克台吉旋晉封頗羅鼐為多羅郡王其子於乾隆十六年謀逆伏誅

其黨叛奉

旨命四川總督策楞提督公岳鍾經琪往討逆賊擒
獲後藏地復定除王爵

事蹟

西藏一隅諸鑑多未詳載考其地即西吐蕃也唐曰烏斯國明日烏斯藏今日國伯特又曰唐古忒居在萬峰之中為西方極勝之區環山拱合百源匯流自墨竹工卡而下統召之南西瀉頗得天地之靈脉布達拉之飛閣層樓麗色奪目別蚌色拉甘丹桑蔴四大寺拱朝於四方東與川滇連界西折與青樓接壤其北直抵河湟西通西洋西南達噶斯天文井鬼分野時歲稍寒物產無幾地多水泉土人以為海眼春則凍醒而開夏秋陰雨覺盛土人分為三部曰康曰衛曰藏康者即今之察木多一路衛者即西藏拉撒以一布藏者乃後藏札什隆布此三部皆為番僧之淵藪黃教之總匯其地民人尊尚佛教敬信喇嘛所最崇信者如達賴喇嘛班禪喇嘛噶嗎巴沙嗎納等輩其他不迷性之呼圖克圖在在皆有不能枚舉為人所崇奉信如靈神欽若活佛凡所謂呼畢爾汗者

乃係身後知前生之事人人故敬之然番民風俗鄙
汙不堪人皆垢面蓬頭形類犬羊無論僧俗莫不以
利是貪為上古所不化之地自唐孝德皇帝以公主
下嫁番王和親之後始與中國通往來其國之始為
君者乃額勒特莽固禮之後馬克巴之子納禮藏布
傳數世至蘇隆藏干布其勢始大併西蕃地內附于
唐以公主妻之而蘇隆藏干布又娶白國王之女為
妻唐公主好善修大小二君並築城於達布拉為宮
室唐蕃二國分定疆界設立誓盟不相侵犯立碑於
大君前永為誓約相傳云昔唐三藏取經曾履此地
今大君之前廊尚繪有師徒四眾之像云猪八戒招
親之高老庄爾即今之采里其謬俗傳如斯自唐而
下宋元之間其國未聞明萬歷時太監楊英至其地
賚勅封楚布寺業郎寺之紅帽黑帽呼圖克圖噶嗎
巴沙嗎納二人為西天大善自在佛如來大寶法王
灌頂大國師賜予印冊封甲樛布氣褒玉樛布氣

二人為灌頂禪師至我

太宗文皇帝之崇德七年班禪額爾德尼達賴喇嘛
固始汗咸謂東土有聖人出焉遣使達

盛京約行善事歲通貢裘西藏大君之地呼為拉撒
拉撒者華言福地也舊有城郭于康熙六十年定西
將軍護國公策旺諾爾布毀之改築西南石堤自東
北郎路山脚起至布達拉對面小山招拉筆洞止長
約三十里以遏藏江之水勢今呼為神堤每歲正月

聚各寺喇嘛於大召內念大經畢令衆喇嘛各增添
砌經惟此乃喇嘛一役俗傳番王蘇隆藏於布乃觀
音菩薩分體之光化生故常在輪迴而其本性不昧
曰根敦朱色曰根敦姜錯曰朔納木姜錯曰雲登姜
錯曰阿旺羅藏姜錯曰羅進仁進姜錯相繼轉生凡
六世皆稱為達賴喇嘛而興黃教於西域第五輩達
賴喇嘛而興黃教於西域第五輩達賴喇嘛入覲
世祖章皇帝勅賜金冊印封為統領西天佛教普覺

幹濟達賴喇嘛時有蒙古古什罕自青海起兵滅藏
巴罕據其地至其子達彥罕孫賴罕皆敬附中國後
有第巴三節者專國倡亂古什罕曾孫拉藏滅之蒙
聖祖仁皇帝褒封命嗣為罕而達賴喇嘛又化生於
裡塘地方名曰噶爾藏嘉慕青海蒙古稱為呼必爾
罕蠻人稱為中凹草桑姜錯生生歲青海蒙古搬至
西寧之塔爾寺坐床復為西方瞻仰適準噶爾逆賊
策旺阿拉布坦妄自生釁自伊犁遣其賊將策凌敵
多布領兵攻殺拉藏罕擄其子蘇爾札毀滅黃教荼
毒生靈肆行猖獗蹂躪藏地我

聖祖仁皇帝天地為心以一隅之為靖慮一夫之失
所

特遣將軍額倫特都統色倫額草職四川提督康泰

統滿漢官兵分道勦伐渡通天河

通天河即木魯烏蘇

三敗賊衆而策凌敵多布分兵逼我糧餉軍中食盡
將士枵腹至哈拉烏素為賊所困全軍餓斃其提督

康泰至拉里之西為賊僧黑喇嘛誘殺於是賊衆逞復逞塘臂肆其跳梁燬壞經典竊據藏地

聖祖仁皇帝赫然震怒遣靖逆將軍富甯安駐兵巴爾庫爾以分賊勢爰

命皇子允禔為撫遠大將軍統帥六師駐節西甯調餉徵兵將塔爾等寺之呼必爾罕

賜以達賴喇嘛名號給與冊印俾其主持黃教由是遣平逆將軍宗室延信固原提督馬繼伯加議政大

臣銜山東登州鎮總兵官李麟馬率領陝甘滿漢官兵於康熙五十九年夏四月護送達賴喇嘛自西甯出口進征而策凌敦多布猶敢施其故智之襲此我營俱為我軍所破斬獲甚衆賊帥胆喪大將軍又遣征西將軍噶爾弼四川永甯協副將岳鍾琪為先鋒統領川滇楚浙滿漢官兵由蜀之打箭爐出口大將軍駐札劄木齊烏素居中調度秋八月大兵會於藏擒巨賊藍占巴駝駝宰

達恪咱等招降逆羽庚衆於是策凌敵多布計窮力竭狼狽遁歸西藏底定人民奠安月之十五日送達賴喇嘛坐床

勅封承教度生達賴喇嘛將其地土人民賜之居於布達拉有

御製碑文鐫石築亭於布達拉之南以記其事其康濟烏阿爾布巴隆布烏頗羅烏札爾烏等五人

賜封有差於大召寺內設立公所王人會辦西藏大小事務康濟烏保後藏人昔為拉藏罕仲意因準噶爾犯藏努力堅守阿里有功封為貝勒管理後藏以西之北一帶地方並拉藏罕屬下台吉阿旺雲登都納爾等二十餘人乃蒙古二千餘住居西藏均食藏內糧餉為達賴喇嘛護衛遇有兵馬事宜即帶此等行走阿爾布巴係工布人昔為噶隆準噶爾犯藏堵禦工布口子有功封為貝子管理工布以東一帶地方兵馬事宜即務隆布烏係本藏人昔為噶隆因策

凌敦多布侵藏同札爾翼赴木魯馬素迎接大兵響
導有功封為公管理東北一帶地方兵馬事宜頗羅
萬係後藏人昔為拉藏罕仲意準噶爾犯藏領兵迎
敵被擄堅心不降始封為一等噶隆辦理後藏札什
倫布一帶地方兵馬事務札爾翼係本藏人昔為達
賴喇嘛蒼儲巴同隆布翼嚮導有功授為噶隆又封
為一等台吉管理藏內附近地方兵馬事務安輯奠
定大兵凱旋至雍正元年青海羅卜藏為丹津犯順
恐其擾藏遣杜潘鎮總兵官周瑛領川兵二千餘名
由打箭爐出口自霍爾甘攷一帶招撫未順番夷一
抵西藏又遣雲南提督郝玉麟統領雲貴兵官千餘
員名駐札察木多以為聲援於次年六月探報羅卜
藏丹津遁入藏境之克里野地方總兵官周瑛選精
騎三百同貝勒康濟爾帶番兵萬餘由楊八景一路
兼程追捕至噶爾藏骨岔阻雷回兵是年達賴喇嘛
勅封西天大善自在佛率領天下釋教達賴喇嘛予

以金冊印雍正三年師旋陞周瑛為四川提督於次年春撫插類烏齊一帶番民雍正五年貝子阿爾布巴公隆布烏台吉札爾烏等謀殺貝勒康濟烏背逆不軌藏民告變蒙

世宗憲皇帝命內閣學士僧格副都統馬腊洮岷協副將顏清如先驅赴藏撫綏人民以安番衆次年夏四月

特遣都察院左都御史查郎阿為正帥護軍統領邁祿西甯鎮總兵官周開捷副之率領永昌協副將馬紀師神木協副將周起鳳花馬協副將惠延祖波羅協副將劉永貴及參遊各四員帶領滿漢官兵八千四百餘員名由西甯出口

命散秩大臣兼鑾儀衛周瑛為正帥化林協副將楊大立夔州協副將張翌並遊守四員領川兵四千餘騎由霍甘一路派雲南鶴麗鎮總兵官南天祥援勦協副將姚起龍廣羅協副將馮鑾及遊守各三員帥

滇兵三千名由昌多一路三路官兵尚未抵藏台吉
頗羅烏糾後藏阿里札什隆布等處番夷二千餘衆
直搗召地擒獲阿爾布巴等大兵到藏縛獻軍營左
都御史查郎阿等公同審實

奏其叛逆於九月晦日磔阿爾布巴隆布烏札爾烏
等並誅其子於布達拉之前藏地復安

勅封頗羅烏為貝子總管西藏事並議移達賴喇嘛
於裡塘以杜釁端由是留學士僧格都統馬賸前鋒

統領邁祿散秩大臣周瑛副將馬紀師並遊守各四
員秦蜀兵二千名鎮撫其地察木多留滇兵一千名
派提督張耀祖劍州協副將姚起龍遊守各一員駐
劄其地以作藏兵聲援是年十一月二十三日左都
御史陞吏部尚書查郎阿西寧鎮總兵周開提領官
兵五千餘員名護送達賴喇嘛自召起程至裡塘四
川重慶鎮總兵官任國學帶領兵一千名接替護衛
大兵即由裡塘各回本汛己酉秋周瑛被劾回京就

訊派西甯鎮總兵官包進忠頂補周瑛之缺雍正八年準噶爾侵犯巴爾庫爾卡倫駐藏大臣

奏準派學士僧格總領遊守各三員兵一千五百名及唐古忒兵一千名出防騰古里達木過其奔藏之路復於王樹白兔河奔卡立馬爾納克產生根物角四處各派千把總一員帶番漢兵數十名設卡偵探每年秋雪降春封山撤回藏內是年打箭爐口外噶達地方廟工告竣

欽賜匾額曰惠遠廟達廟達賴喇嘛移駐焉裁化林協於惠遠添協曰泰甯除協兵另駐兵千有八百均為達賴喇嘛之防護九年春總兵官包進忠卒學士僧格陞蒙古都統出防騰古里那爾夏六月護軍統領青保大理寺正卿苗壽泰甯協副將加總兵銜楊大立領川兵一千五百名來藏換副都統馬臘統領及舊駐藏並臺汎川陝兵一千五百名於冬月二十日副都統馬臘統領換回其駐察木多滇省官兵亦